

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj : 65 0 Mal 466517 22 I
Sarajevo, 30.05.2023. godine

Općinski sud u Sarajevu, sudija Jovana Vidić, u izvršnom postupku tražitelja izvršenja BH TELECOM DD SARAJEVO, ul. Franca Lehara br. 7, protiv izvršenika E.K. iz Sarajeva, radi izvršenja, a na osnovu člana 126. i 130., a u vezi sa članovima 135.,82.,87.,88., i 89. Zakona o izvršnom postupku /Službene novine F BiH broj 32/03 / dana 30.05.2023. godine, donosi sljedeći

Z A K L J U Č A K
- o prodaji pokretnih stvari –

ODREĐUJE SE DRUGO ročište za prodaju pokretnih stvari izvršenika javnim nadmetanjem/neposrednom pogodom za dan PETAK 07.07.2023. godine u 09,00 sati u Sarajevu, Ul. Šenoina br. 1 - Zgrada Općinskog suda Sarajevo, soba br. 454/IV, kako slijedi:

- | | |
|--------------------------|-----------|
| 1. TV 82 cm | 100,00 KM |
| 2. RAČUNAR SAMSUNG | 200,00 KM |
| 3. FOTELJA | 30,00 KM |
| 4. KLUB STOL..... | 50,00 KM |

1. Rješenjem o izvršenju Općinskog suda Sarajevo broj gornji od dana 04.05.2022. godine, određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je Sudski izvršni organ dana 20.08.2020. godine obavio pljenidbu o čemu je sastavljen pljenidbeni popis, uz upozorenje sudskog izvršitelja za zabranu za dalje raspolaganje.

3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Sud će u smislu člana 77. Zakona o izvršnom postupku u vezi sa članom 135. istog zakona zaključkom na zahtjev zainteresovanog lica omogućiti razgledavanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršitelja. Navedeni zahtjev mora biti podnesen u pisanoj formi 8 dana prije održavanja ročišta.

6. Na drugom ročištu za prodaju pokretnih stvari putem usmenog i javnog nadmetanja pokretne stvari se mogu prodati bez ograničenja u pogledu iznosa njihove cijene.

7. Sud će obustaviti postupak ako se pokretne stvari koje su predmet prodaje ne uspiju prodati na drugom ročištu za prodaju putem usmenog i javnog nadmetanja.

8. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata neposredno sudskom izvršitelju uz potvrdu ili na depozitni račun Općinskog suda u Sarajevu broj 1411965320009639 otvoren kod BBI banke d.d. Sarajevo, sa naznakom broja predmeta.

Po uplati cijene Sud će donijeti rješenje o dosudi, a potom i rješenje o namirenju.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja/neposredne pogodbe, da ima u vidu to da ukoliko treća lica ne obavjeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA
Jovana Vidić

POUKA: Protiv ovog zaključka nije dozvoljen pravni lijek.